

ZAGRIJAVANJE ZA GRBAVACKE DANE

Vrijeme je kada su mnogi Grbavčani iz dijaspore stigli u zavicaj. Godišnji odmor se obično provodi uz sjedeljke u našim baščama i avlijama, uz ugodna druženja sa rodbinom i prijateljima. Među onima koji su ovih dana u selu je i Sead Hodžić, sin Hase, kojeg svi poznajemo kao nekadašnjeg vrsnog harmonikaša koji je dugo godina svirao na našim igrankama. Sejo je nekako uspio doći do svoje harmonike i rado zsvira kada se ukaže prilika, a kud će bolja od ponovnog boravka u svojoj avliji. Naš narod zna uživati, a ugodjaj je popravio i Sejin stari, Haso Hodžić koji je zsvirao na svom instrumentu, sazu. Sead Hodžić će biti u selu i za Grbavacke dane, pa će malo zsvirati i u okviru planiranih sadržaja, na njegovo, a i na naše zadovoljstvo.



Kuci je stigao i Ahmet Dardagan, sin rahmetli Ismeta, koji također uživa u zajedničkoj kahvi sa amidžom Rasimom i ostalim komšijama. I Ahmet nam je potvrdio da je ovo ambijent u kojem se najbolje odmara i osjeća.



Mnogi su još u selu, neki tek dolaze, ali se nadamo da će većina biti u Grbavcima za vrijeme trajanja manifestacije „Grbavacki dani“.